

DOA MAJLIS SAMBUTAN HARI GURU TAHUN 2019



الْحَمْدُ لِلَّهِ وَلِي كُلِّ نِعْمَةٍ ، وَكَاشَفِ كُلِّ غَمَّةٍ ، الَّذِي كَتَبَ عَلَي نَفْسِهِ
الرَّحْمَةَ ، مَنْ عَلَيْنَا نِعْمَةَ الْإِسْلَامِ وَالْإِيمَانِ ، وَفَضَّلَنَا بِالْعِلْمِ
وَالتَّعْلُمِ وَالتَّعْلِيمِ ، وَالصَّلَاةِ وَالسَّلَامِ عَلَي رَسُولِنَا الْأَمِينِ ، وَعَلَي
عَالِهِ وَأَصْحَابِهِ أَجْمَعِينَ .

Dalam majlis penuh keberkatan ini kami menadah tangan penuh kesyukuran memohon pengharapan dan keredaan daripada-Mu, Semoga **Majlis Sambutan Hari Guru Peringkat Kebangsaan kali ke-48 Tahun 2019** ini menjadi wadah untuk memartabatkan profesion keguruan, selaras dengan tema Hari Guru, “**Guru, Obor Hemah Menyinari Pertiwi**”.

يَا قَوِيَّ يَا مَتِينُ

Sesungguhnya tugas sebagai seorang guru adalah tugas yang berat dan penuh tanggungjawab. Justeru itu kurniakan kepada kami hati yang tabah dan penuh kesabaran dalam menyempurnakan amanah dan tanggungjawab dengan sebaik-baiknya. Ikhlaslah hati kami dalam mendidik anak-anak generasi kami sebagaimana yang telah dilakukan oleh tokoh-tokoh ilmuan zaman silam.

يَا اللَّهُ يَا كَرِيمُ يَا وَدُودُ

Bimbinglah kami agar dapat membentuk insan yang mencintai antara satu sama lain, mencintai masyarakat dan mencintai negara. Kurniakan ke dalam hati kami, nilai cinta dan kasih sayang, kegembiraan dan kebahagiaan serta saling menghormati sesama manusia.

Ya Allah jadikanlah guru-guru yang berjaya dan cemerlang sebagai contoh kepada kami. Semoga kami tergolong dalam kalangan insan yang sanggup berkorban seterusnya melahirkan insan yang terdidik dengan nilai-nilai kemanusiaan malah berjaya di dunia dan akhirat.

يَا رَحْمَنَ وَيَا رَحِيمَ

Kurniakanlah limpahan rahmat-Mu kepada guru-guru terdahulu yang telah meninggalkan kami. Semoga jasa yang mereka taburkan menjadi mutiara berharga untuk generasi seterusnya. Hanya kepada-Mu kami berserah dan memohon pertolongan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ
النَّارِ ، وَصَلَّى اللَّهُ عَلَي سَيِّدِنَا مُحَمَّدٍ وَعَلَي عَالِهِ وَصَحْبِهِ
أَجْمَعِينَ ، وَالْحَمْدُ لِلَّهِ رَبِّ الْعَالَمِينَ .